

Guangjsih Minzcuz Bau

ganhhau: CN45-0036 B.2018 Nd.11 Ng.7 liggaueq fouhswt nienz ndwengouj samcib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3348期

Majsanh Banh Ciet Gijgwn Ndei Lij- youz Vwnzva Gaiq Daihcibngeih

马山举行第十二届文化旅游美食节

Ndwen 11 ngoenz 3 banhaet, Majsanh ciet gijgwn ndei lijyouz vwnzva gaiq daihcibngeih youq Majsanh Yen Veiguj Gvangcangz haimuq, neix hauh'ok bi 2018 Maj-sanh Yen "sam doxdax ciet ndeu" cingqsik hainduj, hawj gyoengq boux camgya doxdax rog guet ndaw guet, bouxhek caeuq vunz lai dangdieg ndaej gvaqyinx mbat moq.

Baez hozdung neix youz Cung-hung Majsanh Yen Veijyenzei, Maj-sanh Yen Yinzminz Cwngfuj caeuq Namzningz Si Lijyouz Fazcanj Veij-yenzei, Namzningz Si Vwnzva Sinh-vwnz Cuzbanj Gvangjdengiz, Namz-ningz Si Dijyuzgiz doengzcaez banh.

Hozdung muzdiz dwg yungh diyyuz doxdax guh seizgei, caenh'itbough gungganq cauhyuh gozci, daengx guet diyyuz doxdax caeuq gij binjbaiz angqhoh ngoenzciet daegsaek cienz-doengj deihsueng, coicaenh "diyyuz + lijyouz" "diyyuz + vwnzva" "diyyuz + banggungz" daengj dieg ndaej dox-yungz doxhab, bang doi Majsanh Yen vut gungz gunggeng caeuq gizdieg ginghci laebdaeb cangqheiq hwngfat, soengq laex hawj gajgwz hailangh 40 hopbi caeuq Gvangjsih Bouxcuengh Swcigih laebbaenz 60 hopbi.

Majsanh Yen miz aen mingzdaez "dieg yiengzbyandaem Cungguek" "dieg souhlaux Cungguek" "dieg

ysisuz vwnzva ndawbiengz Cungguek" daengj. Bi 2007 doxdaeuj, aen yienh neix gaeng laebdaeb banh baenz 11 gaiq ciet gijgwn ndei lijyouz vwnzva, gyoebseueng yinx ndaej 2000 lai fanh boux bouxhek ndaw guet rog guet daeuj yawjngonz youzceit. Majsanh Yen baengh gij swhyenz diegbya baihrog caeuq ngoenzciet daegsaek deihsueng, cauymoq dawz gij gezcwz baijbouh guetgya gyavaiq hwngfat diyyuz, vwnzva, lijyouz canjnieb caeuq ciengz ciengq vut gungz gunggeng dox giethab hwnjdaej, cugyamq laeb ndei "Majsanh vunqsik" "diyyuz + vwnzlij + banggungz+gizdieg hwngfat".

(Vuz Mingzgyangh)

Yungzsuij: Cienzciengq Fwen "Dwkcawz Bangvunz Simnduk"



融水:

山歌传唱“打黑除恶”

Ndwen 11 ngoenz 4, Yungzsuij Myauzcuz Swciyen Cwngfazveij lienzhah gungh, genj, faz, swh daengj danvih haiguh aen hozdung bae lajmbanj eu fwen senhconz honghoenx cienhangh "dwkcawz bangvunz simnduk", 80 lai boux canghfwen minzcuz vunznoix Myauz, Yauz, Dung daengj daj Gveilinz, Baksak, Yizcough caeuq aen yienh neix daej haenx, yungh coenz hauq doengsug, sing fwen ndeidingq cienzciengq "dwkcawz bangvunz simnduk", yungh neix hawj vunz lai ndaej lai roxyiuj, caux ok gij heiqaenh ndawbiengz huzndei an' onj. Ndaw doz dwg geij boux canghfwen Myauzcuz cingq doiq fwen.

(Lungz Linzci/龙林智)

Denzyangz Banh Angqhoh Swcigih Laeb- baenz 60 Hopbi Vwnzyi Yienjok Doxdax

田阳举办自治区六十大庆文艺演出大赛

Vih angqhoh Swcigih laebbaenz 60 hopbi, caenh'itbough langhbaiz gij cwngzgoj cauhyuh vwnzyi, hawj gij vwnzva saedceij vunz lai lai cungj lai yiengh, caux ok gij heiqaenh angqhoh vwnzva nauhyied, ndwen 11 ngoenz 2, Denzyangz Yen youq Denzcough Guj-cwngz banh angqhoh Swcigih laebbaenz 60 hopbi vunz lai vwnzva hozdung vwnzyi cezmuq yienjok doxdax, baez doxdax neix cawjdaez dwg "caemh ciengq go diuq foux • caez guh aen siengjmuengh Cungguek". Doxdax faen miz yencizcuj, yanghcincuj, gak cuj cungj laeb it, ngeih, sam

daengjciengj gak mingz ndeu.

Cezmuq camgya doxdax yungh fatyengz sevei cuji hwzsinh gyaciz-gvanh, fanjyingi "aen siengjmuengh Cungguek" guh seizdaih cawjdaez, yienh'ok gij yaem'wenq gyaex guet cuji. Ginggvaq doxdax, diuqfoux 《Seizciet Fungfouq》 Aenduenz Yisuz Gamjcuengh biujyienj haenx, diuqfoux 《Cungguek Nding Giujwz》 Aenduenz Yisuz Mancuengh biujyienj haenx, diuqfoux 《Siengjniemh Hungziczinh》 Aenduenz Yisuz Gamjcuengh biujyienj haenx faenbied ndaej yencizcuj it, ngeih, sam daengjciengj, diuqfoux

《Loq Dauq Mbanjranz》 Aenduenz Biujyienj Diuqfoux Bohhungz Cin Bohdanh Cunh biujyienj haenx, diuqfoux 《Yienz Dajsiuq》 Aendoih Vwnzyi Bwzma Nazboh Cin biujyienj haenx, diuqfoux 《Guh Haizbing》 Aendoih Vwnzyi Sanhdungz Nazmanj Cin biujyienj haenx faenbied ndaej yangh-cincuj it, ngeih, sam daengjciengj. Doxdax soengq ciengz hei q fungfouq ndei yawj ndeu daej hawj gyoengq vunz lai, ndaej daengz gyoengq boux-yawj angqcoux caeuq haenndei.

(Vangz Gzsun/黄国顺)

SIUSIK DINJ

简讯

● Ndwen 10 ngoenz 27 daengz 28, Laizbinh Si Gigungh Hagdangz bae daengz Vujsenh Yen Luzsinh Cin Diyoyj Cunh haiguh son'gyauq dinfwngz dajcawj. Ciuq cam rox, son-gyauq faen miz dangz lijun caeuq dangz hengz guh, 20 lai boux bouxhag ndaej son'gyauq. Doenggvaq son'gyauq, vunz-mbanj rox le di dinfwngz, ndaej bang gyalai souhaej.

(Vangz Lili)

● Ndwen 10 ngoenz 28 banhaemh, Ginhsiu Yauzcuz Swciyen banh aen hozdung "angqhoh Swcigih laebbaenz 60 hopbi caeuq Ginhsiu gaiq daihcib vwnzyi comzyienj". Baez comzyienj neix doenggvaq diuqfoux, go, gyonglaz gag yienj daengj vwnzyi cezmuq gig miz minzcuz daegsaek neix, langh-baij gij cingsaenz yienghsienq ndei gak cuz beksingq aen yienh neix doxgiet haenqguh, gaenxmaenx doxhwnj, fanjyingi le gij yienghndei Swcigih laebbaenz 60 bi doxdaeuj, aen yienh neix ginghci riengjvaiq hwngfat, ndawbiengz huzndei onjdingh, minzcuz doxgiet cinbu, beksingq youq onj youq ndei.

(Hij Dunghdungh)

● Ndwen 11 ngoenz 2, Ningzmingz Yen youq yienh-singz Gaidwzvaz banh aen hoih ciu vunz lijyouz banggungz seizdoeng, aen hoih cawjdaez dwg "lijyouz banggungz, soengq ok simndei", miz Aen Gungh-swh Lijdouz Ningzmingz Yen, Aen Gunghswh Mizhanh Vwnzva Lijyouz Byaraiz Cunghlij, Aen Diemqlaeuj Hung Mingzduh daengj 8 aen giyez 200 aen gangjvei mizgven lijyouz haenx yiengq ndawbiengz ciu vunz.

(Lij Siengz)

● Ndwen 10 ngoenz 27, Fuzsuih Yen youq Dieg Lijyouz Youqndwi Gvaq Ngoenzgyaj Lungzgujvanh banh Fuzsuih Yen bi 2018 gijgwn ndei daegsaek doxdax, soengq donq ngaiz miz saek, hom, feih, caemhcai q gig miz daegsaek bonjdieg Fuzsuih hawj bouxhek. Hozdung yinx ndaej geij cien bouxhek daengz dieg yawj doxdax, cimz gijgwn ndei.

(Vangz Vwnzcing)